

## فيديو ٣٦٨ من مقاطع #حظر\_التجول #تدبر\_سورة\_النساء حلقة

٥ الآيات ٩٣١-٦٣١

فاضل سليمان

يسري امري واحلل عقدة من لساني يفهوا قولي السلام عليكم ورحمة الله وبركاته. اهلا بحضراتكم في المقطع رقم تمنمية ثلاثة وستين من مقاطع حظر التجول والحلقة الخمسين من حلقات تدبر سورة النساء - 00:00:00

اقرا معايا الاية مية ستة وتلاتين. اعوذ بالله السميع العليم من الشيطان الرجيم يا ايها الذين امنوا بالله ورسوله والكتاب الذي نزل على رسوله. والكتاب الذي انزل من قبل. ومن يكفر بالله وملائكته وكتبه ورسله واليوم الآخر - 00:00:23

فقد ضل ضالا بعيدا طيب في كذا ملحوظة في الاية دي. كذا ملحوظة تستحق ان احنا نتوقف عندها. اولا ربنا بيخاطب مين؟ بيخاطب مين؟ آآ دي اول ملحوظة. الملحوظة الثانية - 00:00:54

ليه في الايمان قدم الرسل عن الكتب وفي الكفر قدم الكتب عن الرسل. ما اعرفش انتم خدتو بالكم من دي ولا لا. يعني آآ آآ امنوا بالله امنوا باليه؟ بالله ورسوله. قدم الرسل الاول. والكتاب الذي نزل على رسوله والكتاب الذي انزل من قبل. ومن - 00:01:17

يكره بالله وملائكته وقدم الكتب وكتبه ورسله واليوم الآخر ليه ما قالش ورسله وكتبه بنفس الترتيب بتاع الايمان اللي في نفس الاية تعالوا نمسك النقطة الاولى. ربنا بيكلم مين هتقول لي بيكلم مين؟ ما هي واضحة اهي. الاية بتبدأ بيا ايها الذين امنوا اذا نداء للمؤمنين. بيكلم الذين امنوا. صحيح النداء واضح - 00:01:41

ولكن اللخبطة حصلت عند الناس نتيجة فعل الامر اللي بعد النداء ربنا قال يا ايها الذين امنوا امنوا لما هم مؤمنين ليه ربنا بيأمرهم بالايمان تاني؟ فبعض المفسرين قالوا تحصيل المحصل مستحيل - 00:02:10

زي ما كلام واحد نايم واقول له يا نايم نام. يعني ايه يا نايم نام ما هو نايم مستحيل ان ربنا بيكلم المؤمنين ويقول لهم امنوا طيب الا بقى لو انا بتكلم واحد بيتراه قدام الناس انه نايم. فاقول له يا نايم نام. يعني انا كاشفك. انت عامل لي فيها نايم؟ مم - 00:02:34

من هنا زهر تفسير اخر قوي جدا وقال لك الخطاب هنا للمنافقين الذين تظاهروا بالايمان في سورة ال عمران كشفت لنا مؤامرة خبيثة جدا لو تفتقروا في سورة ال عمران ربنا قال وقالت طائفه من اهل الكتاب امنوا بالذي انزل على الذين - 00:02:54

امنوا وجه النهار واكفروا اخره لعلهم يرجعون يعني مجموعة من اليهود في المدينة قالوا امنوا بالقرآن وبمحمد الصبح. وعلى اخر النهار اعلنوا الردة لعلهم يرجعون واتكلمنا وقتها وقلنا يا جماعة لما واحد مش مسلم يقعد يشتم في الاسلام ويعمل فيديوهات احنا ما بيفرقش معنا. احنا اصلا متوقعين منه انه يعمل كده - 00:03:21

لكن لما واحد يرتد عن الاسلام وي العمل فيديوهات ويهاجم الاسلام. وشفت ما شفتش يوم عدل في الدين دوت وبتاع. ده بيؤثر ده بيهز الناس. بعض الناس اللي هي ضعيفة الايمان - 00:03:46

بنتهزفهم عارفين كده فقل لك بص بدل ما بتتكلم على انا احنا ناس من اهل الكتاب او يهود وبهاجم الاسلام لا. تعالوا نبقى مسلمين ونرتد ازا ممكن تكون معناها طبعا دول وقت ما كانوا مسلمين يعني اصل احنا آآ يعني احنا واحدنا بنتدبر وجدنا ان كثير جدا من المنافقين اصلا من خلفية - 00:03:56

يهودي واتكلمنا في دوا وجينا الايات في سورة البقرة وجينا الحاخامات بتوعهم وهم بيلوموهم ويقولوا لهم يعني اتحدثونهم بما فتح

الله عليكم ليحاجوكم به عند ربكم ما ينفعش انتم خلاص عاملين نفسكم مسلمين. مش كل حاجة بقى تقدعوا تلتووا وتعجنوا وتقولوا لهم بقى ان فيه اشارات عن النبي في التوراة وبراءة. اسكنتوا بقى وهكذا. طيب. ازا - 00:04:17

كان ممكن تكون الاية دي معناها ايه بقى ؟ هم يا ايها الذين امنوا وجه النهار وكفروا اخره. امنوا بالله ورسوله والكتاب الذي نزل على رسوله. والكتاب الذي انزل من قبل. ده ممكن يكون معنى - 00:04:40

في هذه الحالة هيبقى الخطاب للمنافقين خاصة وان سياق الایات اللي بعد كده عن المنافقين يعني بص كده مسلا آآ يعني الاية مسلا مية تمانية وتلاتهين بشر المنافقين بان لهم عذابا اليمى. ولمدة بقى عشر - 00:04:59

ایات جایة الكلام عن المنافقين الاية مية واربعين ان الله جامع المنافقين والكافرين في جهنم جميعا. اللي هي مية اتنين واربعين ان المنافقين يخادعون الله وهو واذا قاموا الى الصلاة قاموا كسالى يراءون الناس ولا يذكرون الله الا قليلا. الله - 00:05:18

عن مية خمسة واربعين ان المنافقين في الدرك الاسفل من النار يبقى ازا رأي قوي جدا بيقول ان الخطاب في هذه الاية اللي بيقول آآ آآ يا ايها الذين - 00:05:38

امنوا بالله ورسوله. يعني يا ايها الذين امنوا وجه النهار. او يا ايها الذين امنوا ظاهريا بس لكن الخطاب للمنافقين امنوا بالله ورسوله انا بس بعرض لكم ان ده رأي قوي ورأي وجيه وانا شخصيا مش متفق معه عشان تبقو عارفين وهو يرتكب دلوقتي ليه -

00:05:54

طيب بقى ده رأي بيقول ان ليس المؤمنين على الحقيقة يعني فيه رأي تالت بيقول المقصود هم المؤمنين ايمان بس غير كامل. مسلا اليهود اللي امنوا بالله وبموسى وبالتوراة. فربنا بيقول لهم كملوا ايمانكم ولازم تؤمنوا - 00:06:17

باقي الرسل والكتب اهو يا ايها الذين امنوا بموسى والتوراة امنوا بكل الرسل بقى والكتب. او يا ايها الذين امنوا مثلا بعيسى والانجيل. امنوا فممكن يكون الخطاب لمؤمنين بس مش المؤمنين - 00:06:42

اللي امنوا بالقرآن وبسيدهنا محمد. ازا الخطاب لاهل الكتاب فده رأي تالت ان الخطاب هنا لاهل الكتاب لكن ناداهم به يا ايها الذين امنوا وده برضو غريب شوية يعني مش يعني ربنا لا يناديهم لا ينادي اهل الكتاب يا ايها الذين امنوا يعني - 00:07:03

مع ذلك برضو دى برضو انا عندي مشكلة للرأي ده بل ورد قصة غريبة جدا على فكرة هو ان بعض اليهود اسلموا ودى قصة يعني صحيحة يعني. دول صحابة على فكرة بس يعني قبل ما يسلموا - 00:07:18

ذهبوا للنبي عليه الصلاة والسلام. ومنهم سيدنا عبدالله بن سلام. منهم يمين ابن يمين. منهم يعني في مجموعة من الصحابة دول اصلهم اصلا قراطبيين ونظريين منبني النظير ومنبني - 00:07:36

قرىزة وكده. راحوا للرسول عليه الصلاة والسلام وقالوا له يا رسول الله نحن امنا بك وبالقرآن وبموسى وبالتوراة حلو لكن نريد ان نحتفظ ببعض ما كنا عليه. يعني ايه ؟ يعني مش عاززين نؤمن بعيسى والانجيل. مش قادرين على - 00:07:46

لانهم اترابوا من صغرهم على كره السيد المسيح اليهودي بيتربي من صغره على ان السيد المسيح ده يعني اعوز بالله الدجال بجد بيعتبروه الدجال واحدا عندنا في قلوبنا شيء من ناحية بعض الملائكة ما بنحبهمش وما بيكرهوش سيدنا جبريل - 00:08:08

فاكرين انتم في البقرة لما تدبرنا قل من كان عدوا لجبريل فنازلت الاية ان الدين مش على مزاجكم الكلام ده لما زوجتك تقول لك اشتري طماطم عشان السلطة تروح بقى تبني طماطم جامدة وتسبيب الطماطم الطيرية احنا رايحين - 00:08:28

بنبني طماطم ده دين. ده دين يا ايها الذين امنوا بالله ورسوله والكتاب الذي نزل على رسوله. يعني تؤمنوا بالله وتومنوا بمحمد عليه الصلاة والسلام وتومنوا بالقرآن والكتاب يعني جنس الكتاب كلها مش كتاب معين. الذي انزل من قبل وكل الكتب - 00:08:42

اللي قبل كده ومن يكفر بالله وملائكته كله هتحترمهم كلهم وكتبه ورسله كلهم واليوم الاخر فقد ضل ضلالا بعيدا هو كده ده مزعوم فامنوا بالفعل وحسن اسلامهم منهم سيدنا عبدالله بن سلام زي ما قلنا ويمين ابن يمين ومجموعة وابن اخت عبدالله ابن سلامة

مجموعة كده من الايه - 00:09:10

من الصحابة اللي من اصل يهودي وكانوا ناس يعني آآ من من اجلاء الصحابة الحقيقة. طيب. اي رأي في دول بقى هقوله صح هل

ربنا بيخاطب المؤمنين فعلاً؟ ولا بيخاطب اليهودي اللي امنوا بـ - 00:09:42

ايمانهم مش كامل لأنهم مش مؤمنين او مش عاوزين يؤمنوا بيعسى او كده ولا بيخاطب المنافقين اللي اتظاهروا بالايمان يا جماعة الخير. ما تسرعوشن وتحاذاوا لتفاسير قبل ما تشووفوا. هل التفاسير دي متعارضة - 00:10:00

ده اصلاً مش متعارضة. قوة الخطاب القرآني انه ممكن يخاطب عدة فئات بنفس الكلام والكلام يعني يبقى بالضبط راكب تماماً على قضية دول وقضية دول وقضية دول وقضية دول - 00:10:22

بنفس الكلمات بالرسالة اللي تناسبه اولاً بالنسبة للمؤمنين ايه المشكلة لما ربنا يقول يا ايها الذين امنوا بالله ورسوله ايه المشكلة يعني يا ايها الذين امنوا بالله ورسوله والكتاب الذي ليه يعني تحصيل المحسن مستحيل ايه ده كلام مش حقيقي - 00:10:42

ربنا بيخاطب بيكلمهم عن الايمان والايام في القلوب ليس له نهاية ليس له حدود الانسان ممكن يظل يستزيد من ايمان طول الوقت. طب ما هو ربنا خطب النبي صلى الله عليه وسلم. في سورة محمد وقال له ايه؟ فاكررين - 00:11:05

انا هطلعها لكم اهي فاعلم انه لا الله الا الله واستغفر لذنبك وللمؤمنين والمؤمنات. هو النبي ما يعرفش ان لا الله الا الله؟ طب يعلم ربنا بيقول له فاعلم اأ هذا الايمان هذا العلم بلا الله الا الله هو ايمان الايمان لا حدود له. سيدنا ابراهيم طلب من الله انه - 00:11:24

ويرى كيف يحيي الموتى ليه ما كانش مؤمن؟ لا. اهو في الاية اتنين وستين واذ قال ابراهيم رب ارني كيف تحيي الموتى؟ قال او لم تؤمن؟ قال بلى ولكن ليطمئن قلبي. عشان الايمان يزيد في قلبي كمان وكمان وكمان. اذا لا مانع ابداً. ان يكون - 00:11:48

المؤمنين احدى الفئات المخاطبة في الاية. يا ايها الذين امنوا بالله ورسوله كتاب الذي نزل على رسوله والكتاب الذي انزل من قبله. ما فيش اي مشكلة ما فيش اي مشكلة خالص - 00:12:13

طيب خاصة وان الخطاب في الاية اللي قبلها على طول كان للمؤمنين الاية يا جماعة اللي احنا تدبرناها امبارح بتقول ايه يا ايها الذين امنوا كانوا قوامين بالقسط شهداء لله ولو على انفسكم او الوالدين او الاقربين الى اخر الاية - 00:12:32

وبعدها يا ايها الذين امنوا بالله ورسوله والكتاب الذي نزل على رسوله اه ما اناش شايف اي مشكلة خالص. اذا احدى الفئات المخاطبة بهذه الاية لزلك احياناً لما يكون في خلاف بين المفسرين احنا بيبقى خلاف وهمي وممكن جداً الجمع بين ارائهم وارائهم وكلهم صح - 00:12:54

طيب يا ايها الذين امنوا بالله ورسوله والكتاب الذي نزل على رسوله والكتاب الذي انزل من قبله. احنا قلنا جنس الكتاب كله كل الكتب ليس كتاب معين. ومن يكفر بالله - 00:13:17

ملائكته وكتبه ورسله واليوم الآخر فقد ضل ضلالاً بعيداً ليه بقى لما افصل الكفر قدم الكفر بالكتب قبل الكفر بالرسل لأن في الايمان يا جماعة الناس امنت بموسى الاول. ولم تؤمن بالتوراة الاول. لأ موسى وراهم معجزات فامنوا بموسى وبصدق موسى فترتب على ذلك - 00:13:35

الايام بالكتب بالتوراة. كذلك المسيح اللي امنوا بالسيد المسيح شافوا المسيح وشافوا معجزات شفاء الابرض والاعمى والاكمه واقفة وخلق من من الطين على هيئة الطير فينفح فيه فيكون طيراً باذن الله والكلام ده كله - 00:14:10

فامنوا بصدق المسيح او لا ثم امنوا بالكتاب اللي معه اللي هو الانجيل لكن في الكفر اللي بيكره بيكره بالكتاب اولاً لأنه مش عاجبه الاوامر والنواهي فيبيكره بالكتاب. وبعد كده بيكره بقى بالنبي - 00:14:29

واحد على فكرة ملحد مشهور. كان متدين قبل كده وكان عاوز بقى داعية وبنات الحد منز سنوات عايز اقول لكم ان قعد شهر بعد ما الحد وبيعمل فيديوهات يهاجم فيها الاسلام ويهاجم القرآن كان لما يجيب سيرة النبي يقول صلى الله عليه وسلم - 00:14:44

تلقائياً تلقائياً قعد مدة على ما قدر يبطلها. فضل عنده احترام للنبي فترة طويلة يعني. فالكفر بيتم اولاً بالكتاب. ثم بالنبي صلى فربنا قال ومن يكفر بالله وملائكته وكتبه ورسله واليوم الآخر فقد ضل ضل - 00:15:03

طلالاً بعيدة قعدت مدة الحقيقة افker في الحكمة من جعل الايمان بالملائكة من اركان الايمان. يعني ليه بهذه الالاهية يعني يعني الملائكة بالنسبة لنا الملائكة حملت الكتب الى الرسل. لكن التركيز كله عندنا على الرسالة اللي في الكتاب سنة الرسول نفسه آآ الله اللي

الكتاب بيوصفه لنا وبنعبدة. الملائكة دورهم مش التفاصيل اللي فيه مش كتير قوي لدرجة ان يعني ليه ربنا يجعل الايمان بالملائكة من اركان الايمان. ليه بالاهمية دي ؟ قعدت افكر فيها كتير والله - 00:15:44

فوجدت ان الايمان بالله هو ايمان بالغيب لان احنا لا نرى الله لا يعني لا نراه لا يمكن نثبت وجود الله بالحواس الخمسة. ما حدش فينا شاف ربنا يعنيه ما حدش سمع ربنا بودانه. غير بقى سيدنا موسى لكن - 00:15:59

لكن آآآ نفس الكلام بالنسبة للملائكة لا يمكن اثبات وجود الملائكة بالحواس الخمسة ببرضو غيب لكن الايمان بالله اسهل من الايمان بالملائكة. لان اثبات وجود الله عقلا ممكن يعني الفلاسفة على مر الزمان الفلاسفة اليونان والكلام ده اثبتو وجود الله وسموه السبب الاول. فاثبات وجود الله عقلا - 00:16:18

ممكن لken اثبات وجود الملائكة عقلا مش ممكن نؤمن بالملائكة لايماننا بالله وبصدق القرآن وبصدق النبي صلى الله عليه وسلم فنصدق ما قاله لنا الله في القرآن ونصدق ما قاله لنا. النبي صلى الله عليه وسلم في السنة. فلذلك نؤمن بالملائكة - 00:16:48

لكن اسبتوا وجودهم عقلا مش آآ مش مش اسبرت وجود الله عقلا اه ممكن طيب بالتالي الايمان بالملائكة بيثبت حقية الايمان بالله وبالكتب وبالرسول انت مصدق القرآن وصدق السنة ولا لأ - 00:17:12

بتصدق الرسول ولا لأ ؟ طب هو قال لك ان فيه ملك للجبار وملك للرياح والقرآن زكر الملائكة ؟ ازا هناك ملائكة تمام ؟ طيب ومن يكفر يعني ما يكفر باركان الاسلام دي كلها. فقد ضل ضلالا بعيدا. اخد الطريق الغلط ولن يصل الى الهدایة. ما كل ده طريق اله - 00:17:34

ظل عن ايه ؟ عن الطريق عن السبيل عن الصراط المستقيم اللي هو بيقود الى الهدایة. ما انت لما قلت اهنا الصراط المستقيم ربنا قال لك ذلك الكتاب لا ريب فيه هدى للمتقين. فالكتاب ده هو الهدى. هتحيد عن هذا الكتاب ضللت ضلال بعيد - 00:17:58

ثم ربنا تكلم عن نوع اخر مخاطب ايضا بيا ايها الذين امنوا بالله ورسوله والكتاب. ايه بقى النوع دوه ؟ شف بقى الاية مية سبعة وتللاتين وانت تشوفه الاية مية سبعة وتللاتين - 00:18:19

ان الذين امنوا ثم كفروا ثم اذادوا كفرا لم يكن الله غفر لهم ولا ليهديهم سبيلا ودي طائفة من الناس في قلوبها مرض مذبحة بين الايمان والكفر. يؤمنوا ويرجعوا يكفروا. تم يؤمنوا ويرجعوا يكفروا. دول حلهم ايه - 00:18:39

قال لهم يا ايها الذين امنوا اذادوا حلهم انهم يربوا نفسمهم ايمانيا يستزيدوا باستمرار من الايمان لغاية ما يثبتوا على الايمان. عشان كده يا ايها الذين امنوا ربوا نفسكم ايمانيا - 00:19:07

التربيه الايمانية هي اللي تقوى الايمان في القلب. شحن القلب بالايمان انما الذين في قلوبهم مرض يتآرجحون بين الايمان وبين الكفر. فهم على اعتاب النفاق لذلك الاية الست مية ستة وتللاتين اللي خاطبت كل هذه الفئات بنفس الكلمات هذا الاسلوب يعني - 00:19:22

اسلوب في منتهى العبرية لانها خاطبت المؤمنين ايمان كامل. وخاطبت المؤمنين ايمان ناقص. والمؤمنين ايمان مذبذب كمان بيروحوا وبيجروا بين الايمان والكفر وكمان خاطبت المنافقين. وهنشوف دلوقتي عشان كده قلت لكم لا تتعجلوا وتنحازوا لتفسيير ضده تفسير اخر. قد يكون فيه جمع بين التفاسير دي كلها. لانها طالما مش متضاربة - 00:19:46

ان الذين امنوا ثم كفروا ثم اذادوا كفرا. ثم اذادوا كفرا. خلاص ؟ ثبتو على الكفر. عشان كده ها ؟ لم يكن الله ولیغفر لهم ولا ليهديهم سبيلا ما قالش الله لن يغفر لهم. لا. لم يكن الله ولیغفر لهم. الله لن يغفر لهم يعني - 00:20:14

ان ربنا كان ممكن يغفر لهم بس مش هيغفر لهم لم يكن الله ولیغفر لهم لتشنيع اللي عملوه استخدمت لام اسمها لام الجحود اللي هي اللام اللي بتيجي بعد كم - 00:20:38

لم يكن الله ولیغفر لهم. لما اقول مسلا ايه ؟ لم يكن محمد ليكذب هذا يجحد الكذب لا يمكن محمد ليكذب مش محمد اللي بالعامية كده. مش محمد اللي يكذب - 00:20:54

لم يكن الله ولیغفر لهم. يعني مش الله اللي يغفر لهم مش وارد اصلا ولا فيه اي احتمال انه يغفر لهم ليه ؟ هذا يجحد مبدأ ان ربنا يغفر لهؤلاء ليه - 00:21:12

ده معناه ان يعني ليس من سنة الله انه يغفر للمثال هؤلاء الذين ازدادوا كفرا شوف لم يكن الله ليغفر لهم ولا ليهدىهم سببلا لأنهم ذهبوا بين الایمان والكفر ثم اختاروا الثبات على الكفر. وكان ممكناً يثبتوا على الایمان. لكنهم ما ساعدوشن نفسهم. لذلك لما بيكون - 00:21:27

ناس من الناس المذنبة دي بننصحها. يا جماعة ما تقدوش تسألو في الشبهات. هافضل تجيب لي شبهات واحلها لك. تجيب لي شبهات واجاوبك عليها. مش اخلص انت مشكلتك ان تحتاج قلبك يتشنح بالایمان. عندنا حالة من الحالات اللي اسلمت او يعني يعني بعد ما كان - 00:21:52

شخص ارتد عن الاسلام وقعد آآ مدة ملحد وبعدين متابعة التدبر. كم شهر آآ آآ اسلم. ورجع للسلام. متابعة تدبر. رجع للسلام قبل ان تجاب الشبهات اللي عنده. اذا الشبهات اللي كانت عنده ما كانتش في الحقيقة هي السبب - 00:22:12

اه الردة. يا جماعة ما تصدقوش ما فيش حد بيترد عشان الرسول عليه الصلوة والسلام يتجوز السيدة عائشة. ما فيش حقيقي الكلام ده. ما فيش الكلام ده دي كلها حجج. الكفر والایمان قرار بيأخذه الانسان ثم بيسوق بقى ايه؟ الاعضاء. اصل انا بصراحة لقيت ان في - 00:22:31

اوقات كتير اصل الحديث اللي بيقول مش عارف آآ آآ امرت ان اقاتل الناس دي كلها حجج حجج لكن الكفر والایمان قرار اذا هم خدوا القرار ان هم كده ان هم يستمروا على الكفر. لذلك الاية اللي بعدها بقى مية تمانية وتلاتين - 00:22:50

بشر المنافقين بان لهم عذاباً اليماء. الله! هي دي بشري كاننا كنا بنشوف خطوات انتاج المنافق. ما فيش حد بيتحول منافق. هو بيظل يتآرجح بين الایمان والكفر مذذب بينهم وغلطته ان هو ما قواش ايمانه في قلبه. فانتهى به الامر الى الاستقرار على الكفر - 00:23:07

بس مش بيظهر الكفر. عشان ما يفقدش بقى مصالح سياسية او اقتصادية او اجتماعية. فبيصبح منافق. بيزهر الایمان وبيطن الكفر جواه. يروح للكفار بقى معهم. يروح للمسلمين معهم. معهم معهم عليهم عليهم. فربنا قال ايه؟ انذر المنافقين - 00:23:33

بان لهم عذاباً اليماء. لا ما قالش انذر. اللهم لا الايه؟ قال بشر البشري يعني ان حد يسوق اخبار حلوة طبعاً ده تهكم عليهم عشان كده تلاقونا في الترجمة بتاعة جسور حاطين هامش بيقول ده تهكم - 00:23:53

ده تهكم ها بشر المنافقين بان لهم عذاباً اليماء يعني دي مش بشري خبر سيء جداً مية تسعه وتلاتين الذين يتخذون الكافرين اولياء من دون المؤمنين. اييتفون عندهم العزة. فان العزة - 00:24:18

للله جمياً. معظم هؤلاء المنافقين سبب نفاقهم انهم يعني يعني بقيت عندهم علاقات قوية جداً بالكافرين. لأنهم مش واثقين في ان الاسلام سينتظر في النهاية او ان الاسلام هيحقق العزة لهم. وبالتالي العقلية المادية اللي عندهم جعلتهم يتذمرون الكافرين اولياء - 00:24:43

يعني حلفاء لهم. فاحنا شفنا في آآ آآ دي صورة الحشر التواصل اللي كان بين المتأففين وبين بنبي النضير. من ورا النبي عليه الصلوة والسلام. بل بعطا لهم جواب وحدروهم من وهو جاي - 00:25:10

وقالوا لهم اثبتوا واحنا هننجي الفين راجل ونحارب معكم. وان قوتلتم لننصرنكم. وفي الآخر هم اللي غرقوهم. يعني المنافقين هم اللي غرقوا اليهود على فكرة بالعكس فالمنافقين كانوا يعني على تواصل مع اليهود في المدينة وكان في كتير جداً من المنافقين زي ما قلنا من اصل يهودي اصلاً فكانوا بيكتشفوا اسرار - 00:25:25

النبي عليه الصلوة والسلام واسرار الصحابة انتم متخلين الجو اللي كان عايش فيه النبي والصحابة عليه الصلوة والسلام كان لما يرسل سرية عسكرية كان يطلقوهم في اتجاه ويقول لهم بعد ما تسيراً مسيرة يومين في الصحراء - 00:25:47

افتتحوا الخطاب واقروا التعليمات يفتحوا الخطاب يلاقوا تعليمات بتقول لهم ارجعوا تاني وروحووا الحلة الفلانية واعملوا العملية الفلانية ده معناه ان الجو في المجتمع المسلم في المدينة كان غير امن - 00:26:05

بسبب وجود الطابور الخامس اكبر خطر على الاسلام هذا الطابور الخامسة. مجموعة من الخونة ما حداش عارف مين هم. ومتواصلين

مع زعماء الكفار ومع اعداء الاسلام. وبيكشفوا لهم اسرارنا. اخطر شيء على - 00:26:19

ال المسلمين هم المنافقين الذين يتخذون الكافرين اولياء من دون المؤمنين. ليه؟ ايا يبتغون عندهم العزة فان العزة لله جمیعا. استفهام  
تعجبی ایبتغون عندهم العزة مین ده الغبی اللي يتترك مصدر العزة العزیز - 00:26:36

ويذهب يطلب العزة من عند الاذلة من عند الكافرين ونتوقف هنا الليلة. اللهم انا نسائلك حبك وحب من يحبك وحب كل عمل يقربنا  
الى حبك. اللهم ما وقتنا ما نحب فاجعله قوة لنا فيما تحب. وما زويت عنا مما نحب فاجعله فراغا لنا فيما تحب. اللهم اجعل حبك  
احب اليها من - 00:27:04

اهالينا واموالنا ومن الماء البارد على الظماء. اللهم حبنا اليك والى ملائكتك وانبيائك ورسلك وعبادك الصالحين اجعلنا ممن يحبك  
ويحب ملائكتك وانبيائك ورسلك وعبادك الصالحين. اللهم احي قلوبنا بحبك واجعلنا لك كما تحب - 00:27:29

الله اجعلنا نحبك بكل قلوبنا ونرضاك بكل اجسادنا. اللهم اجعل حبنا كله لك وسعينا كله في مرضاتك اللهم اجعل القرآن الكريم ربنا  
قلوبنا ونور صدورنا وجلاء احزاننا وذهاب همومنا وغمومنا ومغفرة ذنبنا. اسأل الله العلي - 00:27:49

العظيم ان يجعل هذا التدبر في ميزان حسناتي وحسناتكم جميعا. اللهم فاطر السماوات والارض عالم الغيب والشهادة ان تحكم بين  
عبادك فيما كانوا فيه يختلفون. فبحق كل حرف في كتابك تلوناه او تدبرناه. اكفنا واهلينا - 00:28:09

اخواننا واخواتنا شر كل من يكيد لنا و لهم. واحفظنا و اياهم من شرورهم. ونجعلك اللهم في نحورهم فانت الوكيل ولا حول ولا قوة الا  
بك. اللهم بحق كل حرف في كتابك تلوناه او تدبرناه. ايد بنصرك المرابطين في الارض المباركة فلسطين. اللهم سدد رميهم - 00:28:29

وخيبر رمي عدوهم وتقبل شهداءهم وكن مع اخواننا في تركستان الشرقية وفي الشام وفي كشمير وفي الهند وانصر يا رب من  
نصرهم وخذلهم يا رب من خذلهم وطهر المسجد الاقصى من الدنس فانهم لا يعجزونك. واكتب لنا يا ربنا ختم القرآن فيه. اللهم - 00:28:49

انك تعلم ان هذه القلوب قد اجتمعت على كتابك وعلى محبتك. والتقت يا ربنا على طاعتك وتوحدت على دعوتك. وتعاهدت على  
نصرة شريعتك فوثق اللهم رابطتها وادم ودها واهدها سبلها واملأها بنورك الذي لا يخبو واسرح صدورها - 00:29:09

الايمان بك وجميل التوكل عليك. واحيها يا ربنا بمعرفتك. وامتها يا مولانا على الشهادة في سبيلك انك نعم المولى ونعم النصير وصل  
اللهم وسلم على محمد وعلى الله وصحبه ومن تبع هداه. والسلام عليكم ورحمة الله. ونراكم غدا باذن الله في نفس هذا الموعد. ان كنا  
من اهل الدنيا - 00:29:29 - 00:29:49 -